


Escandalo ta aumentando dia pa dia na Haystack Residence



ORANJESTAD (AAN) — Diaranzon anochi un biaha mas presencia di Polis ta worde solicita na Haystack Residence situa na pia di Hooiberg ariba e caminda principal cu ta conecta Santa Cruz y Oranjestad, ya cu atrobe e habitantenan ta confronta problema cu e persona cu a keda manera un concierge pa e lugar aki y cu diariamente ta haci bida di esnan cu a cumpra of cu ta bibando den e residencia aki imposible. E situacion a bay te cu asina leu cu ya na varios oportunidad, segun e habitantenan cu e persona encarga aki ta insulta y ta trata di ataca esnan cu ta biba den e residencia aki. Presencia di Polis a worde

solicita den tur e oportunidadnan, pero e persona en cuestion ta sigui cu su fechorianan. Ya tin algun caso cu a bay dilanti di mesa berde caba y segun e señoreanan cu tabata presente

ayera nochi, e biaha aki ta otro gay ta bay canta, ya cu nan a pone belasting kantoor y varios otro instancia na altura di e labamento cu ta tumando lugar cu e persona aki.




Ya caba e habitantenan ta ocupa poniendo Hulanda na altura di e persona aki, ya cu ta muestra cu ley Hulandes tambe lo ta interesa den e persona aki cu supuestamente ta un cu a comete fraude y a logra di scapa for di Hulanda y bin sconde aki na Aruba. Awor pa colmo e persona aki a dicidi pa pone un hefboom

dilanti di e entrada, strobando esnan cu ta biba den e residencia di sea sali of dreña. Ta di spera cu pronto algo hopi serio tuma lugar pa frena e situacion aki cu e habitantenan ta bibando aden ya pa hopi tempo caba. Esaki ta tur loke ta worde comenta pa e habitantenan bon rabia y disgusta.

TELEFONNAN DI DIARIO
582-6747- FAX 582-8551

NO TIN MAS AWA PA LABA!!



BEST DEAL

Tel: 5827100

(Pariba di Aruba Bank, Paradera)

BEST SHOPPING DEAL

Turibana Plaza

Tel: 5865455

Kashi di paña
Afl. 150,=